



## Early Journal Content on JSTOR, Free to Anyone in the World

This article is one of nearly 500,000 scholarly works digitized and made freely available to everyone in the world by JSTOR.

Known as the Early Journal Content, this set of works include research articles, news, letters, and other writings published in more than 200 of the oldest leading academic journals. The works date from the mid-seventeenth to the early twentieth centuries.

We encourage people to read and share the Early Journal Content openly and to tell others that this resource exists. People may post this content online or redistribute in any way for non-commercial purposes.

Read more about Early Journal Content at <http://about.jstor.org/participate-jstor/individuals/early-journal-content>.

JSTOR is a digital library of academic journals, books, and primary source objects. JSTOR helps people discover, use, and build upon a wide range of content through a powerful research and teaching platform, and preserves this content for future generations. JSTOR is part of ITHAKA, a not-for-profit organization that also includes Ithaka S+R and Portico. For more information about JSTOR, please contact [support@jstor.org](mailto:support@jstor.org).

## IO. FRED. GRONOVII

### CONIECTURAE IN ASCONIUM.



Asservantur in Bibl. Publ. Academiae Lugd.-Batavae duo exemplaria Asconii, quae quondam in Io. Fred. Gronovii bibliotheca fuerunt. Inter Gronoviana sunt n°. 62 et 63, 12°. In his libris nonnulla adnotata sunt, quae cum viris doctis communicare operae pretium mihi visum est, tum ob eas adnotationes ipsas, tum ut suspicionem tollerem, quae virum unum nostris temporibus optime de Asconio meritum obsidere intellexi.

Scribit enim Madvigius in aureo opusculo de Q. Asconii Pediani Commentariis, nobis saepius laudato p. 53 et 54, in Commentariis Asconii apud Haackios editis (Lugd. Batav. 1644 et 1675, 12°), negligenter admodum descriptis, nihil novi esse praeter temerarias interpolationes locorum nonnullorum, ut in commentario Cornelianae locus mancus et corruptus de tribunatu Manilii p. 97 Hot., et in eodem commentario, locum de more comitiorum p. 101 Hot. primum in his edd. ita interpolatum reperiri, ut nunc inter fragmenta Ciceronis editur (Sch. XVI. II p. 22); se nescire, quis harum mutationum auctor sit, nisi quod in incertam coniecturam inductus sit verbis quibusdam Iac. Gronovii, ut paene suspicetur eas a Io. Fred. Gronovio perfectas esse.

Nititur autem ea suspicio his Iac. Gronovii verbis in eius praef. ad Cic. fol. 5 verso: „Asconio quidem quas emendationes satis probabiles passim admixtas et interpositas videbis, ex chirographo patris excerpti, cuius illae omnes sunt;” in Gronoviana editione, addit Madvigius, utriusque loci eadem

est lectio atque in editt. Haackianis. Sed non potuit vir summus a se impetrare, ut in Gronoviana edit. diligentius conferenda tempus perderet.

Sunt haec argumenta, si eo nomine digna sunt, me iudice non satis valida ut crimen iaciatur in summum illum Gronovium, qui si alicui scriptori operam navabat, certe aliud quid proferre solebat, quam „temerarias interpolationes.” Tota res autem nullo fundamento nititur; nam si illae interpolationes in editt. Haackianis idcirco a Io. Fr. Gronovio cum earum editore communicatas esse existimat Madvigius, quod etiam in Gronoviana inveniuntur, diligens huius editionis collatio meliora eum docere potuisset. Unum enim exemplum afferam. Legitur in fine commentarii Asconii ad Scaurianam:

„Cato praetor iudicium, quia aestate agebatur, sine tunica exercuit campestri sub toga cinctus. In forum quoque sic descenderat iusque dicebat, idque reppererat ex vetere consuetudine, secundum quam et Romuli *et Tatii* statuae in Capitolio — fuerunt togatae sine tunicis.”

In eo loco antea fuit: „Romuli *aeratae* statuae;” quod nunc editur apud Orellium est ex Gronoviana editione petatum fol. 8 parte postica, non tamen communicatum cum Haackianae editoribus; in quibus si Madvigium audias „nihil est novi praeter temerarias interpolationes.”

Praeterea ex exemplaribus quibus Io. Fred. Gronovius usus est <sup>1)</sup> apparet eum neque locum ex Scauriana neque locos ex Cornelianae attigisse; unde conficio Iac. Gronovio fidem non esse habendam scribenti, se emendationes passim interpositas ex chirographo patris excerptisse.

Io. Fred. Gronovii adnotationes autem hae sunt:

#### AD ORATIONEM PRO C. CORNELIO.

p. 58. Or. vs. 7. fracti eius fasces *cuncti*.

Gron. fracti eius fasces *sunt*.

---

<sup>1)</sup> Altera harum editionum prodit Lugduni a. 1551. ap. Ioan. Tornaesium et Gul. Gazeium, altera a. 1578 Coloniae ap. Ludov. Alectorium, de quibus vide Madvig. Op. laud. p. 46 sqq. et 52. — Haackianae multo post in lucem sunt editae.

- p. 60. vs. 3. recreavisset iam accepta pecunia tollere (nullo signo lacunae).  
Gron. in ed. a. 1551; decrevisset infamiam acceptae pecuniae tollere.
- p. 62. init. „Exstat oratio *Cominii* accusatoris.”  
Quod in Orelliana adnotatur, pro vulg. *hominis* ex Madv. et Or. emendatione esse, repositum *Cominii* iam in utroque exemplari Gronovii adscriptum est.
- p. 63. init. Semel privatim privatim patre publice legis:  
Gron. patri, publice in legem.  
Ibid. *an* vi Gron. *non* vi.  
Quae leguntur in fine p. 64 sic edebantur in exemplaribus Gron.:  
„et propter quod ipse Sulpitius Cos. *armis ire* (in „altera *armis Syllae*) oppressus esse visus est.”  
Gron. „*consularibus armis iure* oppressus esse visus est.”
- p. 67. vs. 14. „*de regendis in sua civitate.*”  
Gron. *de redigendis in suam civitatem.*
- p. 71. init.: „quam sitellam ipsam cum ipso intercessore *deferre.*”  
Gron. *evertere.*
- p. 74. fin. „*res* vulgare nomen esse Philerotis.”  
Gron. „*scis* vulgare” cett.
- p. 78. vs. 7. „C. Mario C. *Flacco.*”  
Gron. „*Flavio.*”
- p. 79. init. „Quam L. Roscius Otho biennio ante *Coss. firmavit.*”  
Gron. *confirmavit* ut ad Velleium citat C. Puteanus.
- p. 80. init. „Quos hac secunda oratione *tractat.*”  
Gron. *taxat.*

AD ORATIONEM IN TOGA CANDIDA.

- p. 85. fin. Te Q. Muci tam male *de Rep.* „existimare” cett.  
praeter Ed. princ. omnes habebant. Baiterus recte scripsit *de Populo Romano*; idem iam annotavit Gronovius.
- p. 86. init. „Cum te furti L. Calenus ageret.”

- Gron. „*cum tecum furti L. Calenus ageret.*” cf. Orelli  
coni. ad h. l.
- Ibid. „*Cuius tu consilium.*”  
Gron. „*praesidium.*”
- p. 88. vs. 14. „*dedit gladiatorium.*”  
Gron. „*gladiatores.*”
- p. 91. „*Utpote (in vett. editt. est ne puto et ut puto) quam  
post mortem Ciceronis*” cett.  
Gron. „*ut puta.*”
- p. 93. Egregie emendatum est facillima medicina a Gronovio,  
quod omnes adhuc corruptum reliquerunt:  
„*Praetereo illum nefarium conatum tuum et paene  
„acerbum et luctuosum reipublicae diem, cum Cn.  
„Pisone socio, neque alio nemine caedem optimatum  
„facere voluisti.*”  
Gron. „*ne quem alium nominem*” cett.
- p. 94. vs. 4. „*ut avus suus ablegaretur.*”  
Gron. „*ut a rep. ablegaretur.*”

AD ORATIONEM PRO MILONE.

- p. 48. vs. 14. „*Multique ex Milonis.*”  
Gron. „*ex Milonianis.*”
- p. 52. vs. 2. „*Item, cum senatus in porticu Pompeii habe-  
„retur, ut Pompeius posset interesse, unum tum  
„excute prius, quam in Senatum intraret iusserat.*”  
Gron. *unumquemque.*
- p. 54. init. *vetiar e rep.*  
Gron. *verti a rep.* Voss. ad Vell. p. 70.
- Ad ceterarum orationum Commentarios nihil adnotatum  
invenio.

Scripsi Arnhemiae Kal. Febr. MDCCCLXII.

S. H. RINKES.